



## **LAPORAN LIPUTAN MEDIA**

**ISNIN / 25 SEPTEMBER 2023**

- 1. 'RIBUAN BERATUR BELI BERAS 5KG RM1 -SIANR HARIAN**
- 2. BERATUR JAM 6 PAGI MAHU BERAS RM1 – BERITA HARIAN**
- 3. RESTORAN BOLEH BELI BERAS IMPORT HARGA BORONG – BERITA HARIAN**
- 4. PELADANG KELANTAN KOMITED BEKAL BERAS TEMPATAN – BERITA HARIAN**
- 5. TAHUN INI 3 KALI SAWAH TENGGELAM – HARIAN METRO**
- 6. BERATUR AWAL NAK BELI BERAS RM1 – HARIAN METRO**
- 7. KEKURANGAN MAMPU CETUS KRISIS MAKANAN – HARIAN METRO**
- 8. CAKE : RAHMAH PRICE WILL NOT ADDRESS UNDERLYING ISSUES – NEW STRAIT TIMES**

**DISEDIAKAN OLEH:**

**CAWANGAN KOMUNIKASI KORPORAT (MADA)**

**KERATAN AKHBAR : SINAR HARIAN**  
**TARIKH : 25 SEPTEMBER 2023**  
**PERKARA : ISU SEMASA**

Dalam tempoh setengah jam beras habis dijual

LUMUT

Ribuan penduduk di sini sanggup beratur panjang untuk membeli beras putih import yang dijual dengan harga RM1 sekampit seberat 5 kilogram, yang diadakan di Padang Kampung Dato' Seri Kamaruddin di sini pada Ahad. Program Misi Jual Beras RM1 yang bermula 9.30 pagi itu, hanya mengambil masa kira-kira setengah jam sahaja untuk terjual sepenuhnya.

Bagi suri rumah, Siti Nordiana Kassim, 25, dari Taman Samudera di sini, berkata, beliau sanggup beratur seawal pukul 6 pagi untuk membeli beras itu yang dimaklumkan mengenai penjualan beras tersebut daripada jirannya.

"Ini memang peluang (membeli beras RM1) yang tidak pernah saya dapat. Saya bersama jiran datang ke sini awal pagi sebab tidak mahu terlepas untuk membelinya," katanya ketika ditemui pemberita.

Seorang warga emas, Halijah Kassim, 65, dari Kampung Dato' Seri Kamaruddin di sini juga tidak mahu melepaskan peluang untuk mendapatkan beras tersebut dan mula beratur di situ sejak 7 pagi tadi.

"Pada mulanya ingatkan program ini scam sahaja sebab tak pernah mana-mana pihak jual beras hanya RM1. Namun, apabila ketua kampung menguar-uarkan dalam kumpulan

## Ribuan beratur beli beras 5kg harga RM1



Orang ramai datang seawal 6 pagi untuk membeli beras putih import berjenama SITI dengan hanya RM1 pada Program Misi Jual Beras RM1 di Padang Kampung Dato' Seri Kamaruddin Manjung pada Ahad.



WhatsApp, baru mak cik percaya.

"Program (beli beras RM1) ini patut diadakan lebih kerap kerana sekarang harga beras pun naik mendadak, jadi dapat jugalah mengurangkan perbelanjaan dapur," katanya.

Suraya Ibrahim, 42, dari Ayer Tawar dekat sini berkata, pembelian beras RM1 benar-benar memberi kelegaan kepada dirinya yang membelanjakan kira-kira RM50 untuk pembelian beras sahaja bagi keperluan keluarganya.

"Walaupun hanya dapat beli sekampit beras, namun dapat juga meringankan beban perbelanjaan bulanan keluarga yang ditanggung sepenuhnya oleh suami," kata ibu kepada dua orang anak itu.

Program anjuran badan bu- kan kerajaan (NGO) Misi Rakyat menyediakan sebanyak 1,000 kampil beras lima kilogram dan turut menyumbangkan 120 kampil beras seberat lima kg kepada golongan asnaf, warga emas dan ibu hamil yang terpilih.

Sementara itu, pengasas Misi Rakyat, Nur Ahmad Faiz Mohd Azmi berkata, program penjual-

an beras putih import jenama SITI itu pertama kali dilaksanakan pihaknya dan Program Misi Jual Beras RM1 itu akan dijayakan di Kedah pada Selasa ini.

"Kami melaksanakan program sebegini kerana mahu membantu golongan kurang berkemampuan membeli beras memandangkan makanan ruji itu meningkat harga begitu mendadak ketika ini.

"Kami juga berharap program ini dapat dilaksanakan di seluruh negara sekiranya ada pihak yang sudi menyumbangkan bagi pembelian beras ini," katanya. - Bernama

**KERATAN AKHBAR : BERITA HARIAN**

**TARIKH : 25 SEPTEMBER 2023**

**PERKARA : ISU SEMASA**

## Beratur jam 6 pagi mahu beras RM1

**Manjung:** "Saya beratur sejak jam 6 pagi untuk pastikan dapat peluang beli beras dengan pada harga RM1 ini," kata Siti Nordiyana Kassim.

Suri rumah dari Taman Samudera itu menjadi individu pertama yang beratur membeli sekampit beras import lima kilogram (kg) pada program Jualan Gegar Misi Rakyat di padang Kampung Datuk Seri Kamaruddin di sini, bermula jam 9 pagi, semalam.

Siti Nordiyana, 25, berkata selepas mengetahui program tersebut akan berlangsung melalui laman media sosial kelmarin, dia sudah bersiap sedia awal pagi.

"Saya datang awal kerana tak mahu terlepas peluang membeli beras dengan harga murah. Sekarang harga beras mahal dan saya tak mampu nak beli," katanya yang memaklumkan suaminya bekerja sebagai buruh kasar dengan pendapatan tidak tetap.

Bagi warga emas, Halijah Kassim, 65, mengakui terkejut dan sangsi dengan jualan beras RM1 itu pada awalnya kerana dikhuatiri tidak benar.

"Saya cuma percaya selepas ketua kampung maklumkan memang akan ada jualan beras sekampit RM1. Alhamdulillah, program ini sekurang-kurangnya dapat mengurangkan beban kewangan banyak keluarga di kampung ini.



Orang ramai beratur sejak jam 6 pagi untuk membeli beras import 5kg dengan harga RM1 di padang Kampung Datuk Seri Kamaruddin, semalam.

(Foto Muhamad Lokman Khairi/BH)

"Saya harap harga beras tempatan kembali seperti dahulu semula segera. Harga beras melambung ketika ini memang membebankan lagi-lagi bagi keluarga yang besar.

"Satu perkara lagi, stok beras putih tempatan langsung tiada di pasaran," katanya yang tiba seawal jam 7.50 pagi semalam.

### Habis terjual 30 minit

Untuk rekod, sebanyak 1,000 kampakit beras import 5kg anjuran badan bukan kerajaan (NGO) Misi Rakyat, habis terjual dalam tempoh 30 minit sahaja.

Bagi Suraya Ibrahim, 42, yang berasal dari Ayer Tawar berkata, dia sanggup ke lokasi jualan walaupun terletak kira-kira 19 kilometer (km) dari rumahnya demi bertahan kelangsungan makanan ruji berkenaan sementara menunggu hari gaji suami.

"Sepanjang hampir dua minggu isu harga beras ini, saya belum pernah beli lagi di pasaran kerana tak mampu.

"Terima kasih pada pihak yang menganjurkan jualan hari ini, dapatlah dua anak di rumah makan sementara hari gaji suami pada hujung bulan ini," kata su-

rirumah itu.

Sementara itu, pengasas Misi Rakyat, Nur Ahmad Faiz Mohd Azmi, 32, berkata, pihaknya menyasarkan jualan beras berkenaan kepada mereka yang memerlukan.

"Kita faham bahawa ada keluarga susah yang terpaksa catu makanan dan tiada wang, oleh sebab itu kita hanya jual dengan harga RM1. Kita sebenarnya bukan hendak duit, tapi hendak pastikan mereka dapat bawa balik beras beri makan pada keluarga walau di poket cuma ada RM1," katanya.



KERATAN AKHBAR : BERITA HARIAN

TARIKH : 25 SEPTEMBER 2023

PERKARA : ISU SEMASA

# Restoran boleh beli beras import harga borong

## Usaha jangka pendek atasi masalah kekurangan beras putih tempatan

Oleh Zanariah Abd Mutalib  
[zanariah\\_mutalib@bh.com.my](mailto:zanariah_mutalib@bh.com.my)

**Kuala Lumpur:** Kementerian Pertanian dan Keterjaminan Makanan (KPKM) akan memberikan lesen borong kepada pengusaha restoran supaya mereka boleh membeli beras putih import (BPI) pada harga borong RM3.20 sekilogram daripada Padiberas Nasional Bhd (BERNAS).

Perkara itu diputuskan Menteri, Datuk Seri Mohamad Sabu, sebagai usaha jangka pendek kerajaan untuk mengatasi ma-

salah kekurangan beras putih tempatan (BPT) susulan pengguna kurang membeli BPI kerana harganya yang meningkat.

Setiausaha Akhbar kepada Mohamad, Adeysham Nor, berkata persatuan pengusaha restoran perlu mengemukakan permohonan kepada KPKM untuk mendapatkan lesen borong terbabit.

Beliau memaklumkan sebelum ini, harga BPI jenis standard adalah sekitar RM2.80 hingga RM3.20 sekilogram, iaitu tidak banyak berbeza dengan harga BPT.

Bagaimanapun selepas BERNAS membuat pelarasan harga menjadi RM3,200 satu tan (RM3.20 sekilogram), katanya, pengusaha mula beralih kepada BPT, sekali gus menyebabkan kenaikan mendadak permintaan terhadap beras jenis itu dan membawa kepada kekurangan bekalannya dalam pasaran.

"Pada 15 September lalu, KPKM mengadakan sesi libat

urus bersama persatuan peniaga, termasuk pengusaha restoran, mamak, kedai tomyam dan lain-lain.

"Antara perkara dibincangkan ialah bagaimana mencari kaedah terbaik membantu ahli persatuan mendapatkan bekalan import pada harga borong.

"Pada sesi itu, KPKM membenarkan pemberian lesen borong kepada pengusaha terbabit. Kita sedang tunggu persatuan memohon lesen itu. Setakat ini, mereka belum memohon lagi," katanya kepada *BH*, semalam.

### Selaras harga jualan BPI

Sebelum ini, BERNAS menyelaraskan harga jualan BPI seluruh negara daripada RM2,350 satu tan kepada RM3,200 satu tan, berkuat kuasa 1 September lalu.

Menurut BERNAS, langkah pelarasan itu juga sejajar dengan harga terkini BPI dalam pasaran antarabangsa.

Ketika ini, BPT pula dijual

pada harga kawalan RM2.60 sekilogram atau RM26 sekampit 10kg. Harga kawalan maksimum BPT pada peringkat pengguna adalah RM2.60 sekilogram dan ia termaktub dalam peruntukan Akta Kawalan Padi dan Beras 1994 (Akta 522).

Seterusnya, Adeysham berkata, KPKM juga sudah diarahkan berbincang dengan Kementerian Kewangan untuk mengkaji penggunaan BPI oleh pembekal tender kerajaan, seperti untuk kem tentera dan sekolah.

"Menteri juga mengarahkan pegawai mengkaji jumlah subsidi yang perlu dikeluarkan jika kerajaan ingin mensubsidi BPI.

"Pada masa sama, pengilang turut diminta membekalkan 20 peratus stok beras mereka kepada Lembaga Pemasaran Pertanian Persekutuan (FAMA) dan Lembaga Pertubuhan Peladang (LPP) untuk dipasarkan terus ke kawasan luar bandar bagi membantu golongan B40," katanya.

**KERATAN AKHBAR : BERITA HARIAN**  
**TARIKH : 25 SEPTEMBER 2023**  
**PERKARA : ISU SEMASA**

## Peladang Kelantan komited bekal beras tempatan

**Pasir Mas:** Pertubuhan Peladang Kelantan komited mengeluarkan bekalan beras putih tempatan (BPT) yang mencukupi bagi menampung keperluan di negeri ini.

Pengerusi Pertubuhan Peladang Kelantan, Datuk Aimi Jusoh, berkata pihaknya melalui Pertubuhan Peladang Kawasan (PPK) akan terus konsisten dengan pembekalan itu walaupun berlaku kenaikan harga padi mentah.

Bellau berkata, kenaikan harga padi itu menjadi cabaran utama kepada pihaknya untuk mendapatkan bekalan kerana difahamkan ia bukan sahaja meningkat di Kedah dan Perak tetapi juga Kelantan.

"Padi mentah di Kelantan dijual pada harga RM1,680 satu tan. Ia memberi tekanan dan cabaran kepada kami yang memiliki kilang untuk mendapatkan sumber padi mentah.

"Pada peringkat kilang, kami hanya dibenarkan menjual pada harga RM2,250 untuk satu tan beras. Pemborong kami tidak boleh menjual melebihi harga RM2,540 satu tan, manakala runcit pula tidak melebihi harga RM2,600 satu tan atau RM2.60 sekilogram.

"Meskipun menghadapi pelbagai cabaran, tekanan dari segi kewangan dan sebagainya, kami cuba pertahankan. Kami istiqamah dan tetap akan terus menghasilkan serta membekalkan beras berkualiti dan mencukupi kerana itu sasaran kami," katanya ketika ditemui selepas pelancaran beras tempatan di PPK Kangkong, di sini, semalam.

Yang turut hadir, Pengarah Kawal Selia Padi Beras Kelantan, Mohamed Fadhli AbdulAzid, dan Pemangku Pengurus Besar PPK Kangkong, Mohd Tarmizi Sulaiman.

Dalam pada itu, Aimi berkata, peningkatan harga beras import mendorong lebih 50 peratus rakyat Kelantan kini memilih untuk membeli BPT.

Katanya, sebelum ini masyarakat Kelantan lebih menggemari beras import berikutan ia mudah didapati dan negeri ini juga berdekatan negara jiran.

Namun sejak harga beras import naik, bellau berkata, penduduk Kelantan mula beralih kepada BPT untuk keperluan keluarga.

Sementara itu, Mohamed Fadhli berkata, Kelantan tidak mengalami kesan besar berkaitan masalah bekalan BPT kerana negeri ini adalah antara pengeluar beras yang terbesar Malaysia, selain Kedah dan Perak.

Oleh Meor Ridwan Meor Ahmad  
am@hmetro.com.my

Melaka

**B**erat mata memandang, berat lagi bahu memikul. Itu nasib kira-kira 50 pesawah di Kampung Paya Luboh dan Seberang Gajah, Tanjung Kling, dekat sini, yang terpaksa menanggung kerugian puluhan ribuan ringgit apabila sawah diusahakan hampir 100 hektar ditenggelami banjir setiap kali hujan lebat.

Difahamkan, tahun ini sahaja sudah tiga kali sawah mereka ditenggelami air bah dan paling teruk pertengahan bulan lalu berikutan padi sudah mula mengeluarkan hasil dan menunggu masa untuk dituai.

Sumber Pejabat Pertanian Daerah Melaka Tengah memaklumkan setakat ini 11 petani yang terjejas teruk sudah mengemukakan laporan hasil padi merosot dan kerugian antara RM5,000 ke RM6,000 membabitkan keseluruhan sawah seluas 24 hektar.

Menerusi tinjauan Harian Metro dan temu bual bersama petani, difahamkan masalah berlaku kerana limpahan air dari Sungai Udang tidak dapat mengalir keluar dengan baik berikutan sistem culvert sedia ada terlalu sempit.

Pemerhatian juga mendapati sampah sarap bertimbun menutup aliran air sungai menyebabkan air bertakung hingga melimpah ke sawah hingga menyebabkan pokok padi terendam dan rosak.

Pesawah mendakwa sudah memohon pembinaan jambatan kekal baharu itu sejak lebih 10 tahun lalu bagi mengatasi masalah



## Tahun ini 3 kali sawah tenggelam

50 pesawah rugi puluhan ribuan ringgit selepas sawah diusahakan hampir 100 hektar ditenggelami banjir

itu, namun sehingga kini belum berhasil.

Pesawah, Mohd Sabri Yusof, 57, berkata, pembinaan jambatan baharu itu dilihat antara langkah terbaik untuk mengatasi limpahan air sungai yang merosakkan sawah.

"Longkang culvert (pembentung) di bawah jambatan sedia ada terlalu sempit, jadi limpahan air dari Sungai Udang dan kawasan sekitar tidak dapat mengalir keluar dengan baik dan hingga memasuki seluruh kawasan sawah.

"Jadi kami harap ia diganti dengan jambatan kekal dan dipasang dengan longkang culvert lebih besar supaya air dapat mengalir dengan lancar," katanya.

Beliau berkata, hasil padinya diusahakannya seluas lebih empat hektar merosot teruk musim ini dan hanya memperoleh kira-kira 12 tan berbanding



**“**Sekarang ini cuaca tidak menentu, jika hujan satu atau dua jam tak berhenti di Sungai Udang, kawasan di sini mesti banjir”



**“**Bila padi sudah terendam kemungkinan jadi ringan dan kualitinya tidak macam padi yang tak kena banjir”

Suhaimi

Azizan

"Cara terbaik untuk pautkan air tidak bertakung di sawah di sini adalah membina jambatan baharu dan memasang longkang culvert lebih besar supaya air dapat mengalir lancar," katanya.

Katanya, banjir pada 13 Ogos lalu menyebabkan hasil padi setuas lebih 24 hektar diusahakannya merosot lebih 50 peratus akibat banjir kali ini apabila hanya memperoleh kira-kira 15 tan berbanding 30 tan sebelum ini.

Nada sama diluahkan Azizan Abdul, 41, yang berharap rintihan petani dipandang serius oleh pihak berwajib apabila hasil padinya merosot lebih tiga tan pada musim ini.

"Bila padi sudah terendam kemungkinan jadi ringan dan kualitinya tidak macam padi yang tak kena banjir.

"Saya dapat padi lima tan sahaja sebab kilang tolak selepas ambil kira keadaan padi sama ada bersih atau kotor dan ringan atau hampa, berbanding musim lalu sebanyak tujuh tan.

"Kami harap jambatan baharu itu dibina supaya sistem saliran dan pengaliran berfungsi dengan baik," katanya.

**Ikuti penjelasan pihak berkuasa berhubung isu ini dalam terbitan Harian Metro esok.**

20 tan.

"Inilah cabaran, tinjauan jabatan pertanian sebelum ini pokok padi nampak cantik dan tidak terjejas teruk.

Tapi pengalaman kami, bila pokok padi yang sedang berbuah terendam dalam air, buahnya akan bermasalah dan tak masuk isi dengan baik (kosong).

Seorang lagi pesawah, Suhaimi Mustafa, 64, juga berharap pembinaan jambatan itu diberi keutamaan oleh kerajaan negeri dan agensi berkaitan bagi penyelesaian jangka panjang.

"Sekarang ini cuaca tidak menentu, jika hujan satu atau dua jam tak berhenti di Sungai Udang, kawasan di sini mesti banjir.

"Kawasan Sungai Udang sudah banyak taman perumahan baharu dan air dari longkang serta parit disalurkan ke sini sebelum ke laut melalui Pulau Gadong atau Klebang.



**KERATAN AKHBAR**

**: HARIAN METRO**

**TARIKH**

**: 25 SEPTEMBER 2023**

**PERKARA**

**: ISU SEMASA**

**Manjung:** "Saya beratur sejak jam 6 pagi bagi pastikan dapat beli beras dengan hanya RM1," kata Siti Nordiyana Kassim, 25.

Suri rumah dari Taman Samudera itu menjadi individu pertama yang beratur untuk membeli sekampit beras import lima kilogram (kg) pada program Jualan Gegar Misi Rakyat di padang Kampung Datuk Seri Kamaruddin di sini, bermula 9 pagi semalam.

"Saya datang awal kerana tak mahu terlepas peluang membeli beras dengan harga murah. Sekarang harga beras mahal dan saya tak mampu nak beli," katanya yang memaklumkan suaminya bekerja sebagai buruh kasar dengan pendapatan tidak tetap.

Bagi warga emas, Halijah Kassim, 65, mengakui terkejut dan sangsi dengan jualan beras RM1 itu pada awalnya kerana dikhuatiri berita benar.

"Saya cuma percaya selepas ketua kampung maklumkan memang akan ada jualan beras sekampit RM1. Alhamdulillah, program ini sekurang-kurangnya dapat mengurangkan beban kewangan banyak keluarga di kampung ini.

"Saya harap harga beras tempatan kembali pulih dengan segera. Harga beras melambung ketika ini me-



ORANG ramai mula beratur seawal jam 6 pagi bagi mendapatkan beras yang dijual dengan harga hanya RM1 di padang Kampung Datuk Seri Kamaruddin, semalam.

## Beratur awal nak beli beras RM1

mang membebankan lagi bagi keluarga yang war berkata, dia sanggup ke lokasi jualan walaupun terletak kira-kira 19 kilometer (km) dari rumahnya demi bertahan kelangsungan makanan ruji berkenaan sementara menunggu hari gaji suami.

“  
Harga beras melambung ketika ini memang membebankan  
Halijah

Sebanyak 1,000 kampil beras import 5kg anjuran badan bukan kerajaan (NGO) Misi Rakyat habis terjual dalam tempoh 30 minit sahaja.

Bagi Suraya Ibrahim, 42,

yang berasal dari Ayer Tawar berkata, dia sanggup ke lokasi jualan walaupun terletak kira-kira 19 kilometer (km) dari rumahnya demi bertahan kelangsungan makanan ruji berkenaan sementara menunggu hari gaji suami.

"Sepanjang hampir dua minggu isu harga beras ini,

saya belum pernah beli lagi di pasaran kerana tak mampu.

"Terima-kasih pada pihak yang menganjurkan jualan hari ini, dapatlah dua anak di rumah makan sementara hari gaji suami pada hujung bulan ini," kata suri rumah itu.

Sementara itu, pengasas Misi Rakyat, Nur Ahmad Faiz Mohd Azmi, 32, berkata, pihaknya menyasarkan jualan beras berkenaan kepada mereka yang memerlukan.

KERATAN AKHBAR : BERITA HARIAN

TARIKH : 25 SEPTEMBER 2023

PERKARA : ISU SEMASA

Oleh Sri Ayu Kartika  
Amri  
kartika@mediapri-  
ma.com.my

Kuala Lumpur

Peningkatan harga beras import sehingga 36 peratus dan kesukaran memperoleh beras tempatan jika tidak diatasi segera umpama bom jangka yang akhirnya mampu mencetuskan krisis.

Profesor Madya dan Timbalan Dekan Sekolah Perniagaan dan Ekonomi Universiti Putra Malaysia (UPM) Prof Madya Ts Dr Anuar Shah Bali Mahomed berkata, harga beras pada masa akan datang berisiko meningkat lebih tinggi kerana kebergantungan Malaysia kepada negara luar untuk mendapatkan bekalan beras.

Kata beliau, Kerajaan Pusat dan negeri perlu mempertingkatkan simpanan bank makanan untuk bersedia berhadapan dengan sebarang kemungkinan krisis makanan yang lebih mencabar.

"Kita tahu, tahun ini lebih ramai penduduk dunia yang akan berhadapan dengan krisis makanan, ter-

**HARGA BERAS IMPORT NAIK 36%**

# Kekurangan mampu **cetus** krisis makanan

masuk peningkatan kadar kebuluran dan kekurangan bekalan. Sekiranya krisis makanan meruncing maka stok makanan yang disimpan boleh digunakan untuk disalurkan kepada rakyat," katanya kepada Harian Metro, semalam.

Menurut beliau, peralihan subsidi melalui kad pengenalan dan e-dompet secara berperingkat juga sesuatu yang boleh dipertimbangkan pelaksanaannya.

"Ia bagi membantu menyelesaikan krisis yang melanda supaya krisis ini tidak berlarutan dan merebak kepada barangan lain yang akan lebih memberikan tekanan kepada rakyat.

"Selain itu, pihak berkua-

sa juga perlu bertindak terhadap pihak yang mengambil kesempatan terhadap krisis beras ini kerana berkemungkinan, ia turut membabitkan isu kartel yang menyebabkan kekurangan bekalan beras tempatan di pasaran," katanya.

Selain itu, beliau berkata, inisiatif awal yang dilaksanakan oleh kerajaan negeri, antaranya Terengganu dan pelbagai pihak lain yang terbabit dalam penghasilan Beras Ganu.

Menurutnya, beras keluaran anak syarikat Kerajaan Negeri Terengganu berjaya membekalkan beras tempatan untuk keperluan rakyat dan mendapat permintaan tinggi pengguna ekoran kenaikan harga

beras import dan kekurangan beras tempatan lain di pasaran ketika ini.

"Inisiatif Beras Ganu boleh dijadikan contoh dalam membantu kekurangan bekalan beras dan perkara ini juga perlu diperluaskan dalam konteks mengurangkan kebergantungan kepada barangan import.

"Malah, sebahagian bahan mentah makanan pula, pengeluarannya boleh dibuat di peringkat dalaman sahaja tanpa bergantung kepada negara luar. Malaysia sebenarnya amat terdedah kepada isu ini, lebih-lebih lagi kebergantungan Malaysia terhadap barangan import, terutamanya bekalan makanan yang amat tinggi," katanya.



**KERATAN AKHBAR : NEW STRAIT TIMES**

**TARIKH : 25 SEPTEMBER 2023**

**PERKARA : ISU SEMASA**

**RICE SHORTAGE**

## CAKE: Rahmah price will not address underlying issues

**KUALA LUMPUR:** The government's move to introduce Rahmah prices for imported rice at Rahmah Sales events may become a double-edged sword, said the Consumers Association of Kedah (CAKE).

Its president, Yusrizal Yusoff, said the move may not address the underlying supply issues affecting the staple food in the country.

While the move allowed consumers to buy imported rice at a lower price, he said, the government would need to fork out subsidies to absorb the normal price of the items.

"In addition, we are supposed to promote homegrown produce instead of encouraging people to buy imported rice," he told the *New Straits Times*.

On ways to resolve the rice supply issue, Yusrizal said government agencies such as the Federal Agricultural Marketing Authority (Fama) should distribute local rice to retailers in areas where there was a shortage in-

stead of selling it only at *pasar tani*, which are open only on certain days.

He said the authorities should consider this method to resolve the matter because consumers, including those living in rural areas, normally get their rice supply from sundry shops near their homes.

Yusrizal said the onus was on the government to conduct studies on rice supply issues nationwide and to be transparent with the information.

"Please stop accusing consumers of 'panic buying'."

"Present us with the data showing there is indeed a spike in purchasing trends with specific information, including the locations, so that all quarters can address the issue accordingly."

He reiterated calls for the authorities to investigate any case of "missing" local white rice supplies, which could likely be due to issues at the manufacturers' or wholesalers' level.

"However, CAKE has run checks



Consumers Association of Kedah president Yusrizal Yusoff speaking to a sundry shop owner during a CAKE inspection of local rice supply at Pasar Besar Alor Star recently. PIC BY ZULIATY ZULKIFFLI

with padi farmers and manufacturers in the state, and they have assured us that they are not hoarding any supply. So, at which point did our rice go missing, causing a shortage in supplies?"

"Up to June, the local white rice was available as usual, and imported rice accounted for about 30 to 35 per cent of the demand in the country."

He said it was unlikely for individual consumers to buy rice in large amounts as it would take up space and the item would get damaged if it was stored for an extended period.

He said food traders had an es-

timation of how much rice they needed for their businesses, and they would not buy "well over their routine purchases".

In terms of local rice production, he said, Malaysia produced 700 to 800 metric tonnes of padi in the last harvest season, 400 metric tonnes of which came from Kedah.

He said even if there was a drop in local rice production, any shortage would not be that drastic.

On Friday, Acting Domestic Trade and Cost of Living Minister Datuk Armizan Mohd Ali said the ministry had started selling im-

ported rice at Rahmah prices in every Rahmah Sales programme across the country.

Consumers will be able to get 5kg of imported rice at a price not exceeding RM15 and a 10kg bag at a price below RM30 at any Rahmah Sales programme in their area.

He said this had been decided at the National Action Council on Cost of Living meeting chaired by Deputy Prime Minister Datuk Seri Dr Ahmad Zahid Hamidi on Wednesday to deal with the temporary disruption of local rice supply and the increase in the price of imported rice.